

# Dáiddafoandda njuolggadusat

Dáiddafoandda vuodđuduvvui 2007s šiehtadallamiid bokte gaskal Sámi Dáiddárráđi ja Sámedikki. Ruđat šiehtaduvvojit jahkásaččat. Njuolggadusat dohkkehuvvon Sámi Dáiddárráđi 2018, 2019, 2020 ja 2021 jahkečoahkkimiin.

## 1. Dáiddafoandda

Foandda namma lea Dáiddafoandda (DF).

## 2. Ulbmil

Dáiddafoandda ruhta galgá sámi dáiddáriidda addit vejolašvuoda ovdánahttit dáiddalaš doaimmaset.

## 3. Ovttasbargoprošeavttat

- Foandda ruđaid sáhtá juolludit prošeavttaide main leat uhcimusat guokte Sámi Dáiddárráđi dáiddárserviin mielde.
- Foandda ruhta galgá geavahuvvot dáiddagaskasaš ovttasbargoprošeavttaide main leat uhcimus guokte dáiddársuorggi, dahje ovttasbargoprošeavttaide sámi dáiddáriid gaskka (guhte lea miellahtut dáiddárserviin čatnon Sámi Dáiddárráđđái), ja sámi dáiddáriid ja eará eamiálbmot dáiddáriid gaskka. Juolluduvvon ruhta galgá juohkásit nu dássálaga go vejolaš prošeavtta oassálasti dáiddáriid gaskka.
- Sáhtá ohcat doarjaga 200 000 ruvnnu rádjái.
- Ohcci ovttas (1) lea ovddasvástádus prošeavttas ja dan čađaheapmái, ja ovddasvástádusa ekonomijai ja raporteremii.
- Ruhta juolluduvvo dušše prošeavttaide mat álggahuvvojit ohcanjagi, iige prošeavttaide mat leat jo álggahuvvon dahje heaittuhuvvon.
- Ohccit eai sáhte vuordit oažžut prošeavtta ollásit ruhtaduvvot Dáiddafoandda ruđain. Bušehtas ferte leat iežasoassi, ja eará ruhtagáldut fertejit leat almmuhuvvon.
- Ohccit eai sáhte vuordit mángii oažžut doarjaga seamma prošeaktii.
- Dáiddafoandda ruđa ii sáhte geavahit dáid ruhtadit:
  - girjealmmuhemiide ja girječálliid bálkkáide girjealmmuhemiid oktavuodas
  - skearruid buvttadeapmái
  - eaŋkilolbmuid ohcamušaide
  - Investeremiidda
- Ohcanáigemearri lea ođđajagimánu 10.b. juohke jagi

### 3.1 Eavttut juolludemiin ovttasbargoprošeavttaid ektui

Váldonjuolggadussan galgá Dáiddafoandda juolludemiin deattuhtit

- dáiddalaš sisdoalu
- uhcimusat guokte dáiddasuorggi leat ovddastuvvon
- ovttasbarggu eará eamiálbmotdáiddáriiguin
- ávkki sámi servodahkii

### 3.2 Go lea juolluduvvon ruhta ovttasbargoprošeavttaide

- Áigemearri čađahit prošeavtta lea 2 jagi.
- Go prošeakta álggahuvvo, de galgá Dáiddafoandda bivdima bokte máksit beali doarjagis. Loahpa máksit go leat ožžon dárkkistuvvon rehketoalu, dahje man govttis leaba vuolláičállán.

## 4. AD HOC ruđat

- lea meroštuvvon dáiddáriid fágalaš ovdáneapmái
- ruhta galgá adnot oanehisáigge prošeavttaide maidda dáiddár ii leat sáhtán ohcat eará ruđa

- galggašii veahkehit dáiddáriid guđet fáhkka ožžot fáldadaga searvat festiválaide, konsearttaide, čájáhusaide, kurssaide jna.
- sáhttet ohcat ovttaskas dáiddárat geat leat miellahtut dáiddárserviin Sámi Dáiddárráđis
- sáhtta ohcat doarjaga 25 000 ruvnu rádjái
- ohcanáigemearit leat 10.b. ođđajagimánus, cuoŋománus, geassemánus ja čakčamánus

li juolluduvvo ruhta

- proševttaide mat leat loahpahuuvvon ovdal ohcanáiggi loahpa
- stuorát, guhká plánejuvvon proševttaide dahje osiide mat gullet stuorát proševttain
- ovdaprošektii
- eará doaimmaheddjiid bálkkáide
- oastit rusttegiid

#### 4.1 Váldonjuolggadussan galgá Dáiddafoandda juolludemiin deattuhit

- dáiddalaš sisdoalu
- ávkki dáiddárii
- ávkki sámi servodahkii

#### 4.2 Go lea juolluduvvon ruhta AD HOCii

- Áigemearri čađahit proševtta lea 4 mánu.
- Máksit ruđa go leat ožžon raportta ja duođaštuvvon goluid ohcama mielde du vuolláičállagiin.

#### 5. Oktosaš dieđut ovttasbargoproševtta ja AD HOC ektui

- Almmuhuvvo Sámi Dáiddárráđi neahttasiidduin
- Ohcan galgá devdot dihto ohcanskovvái ja visot čuoggát galget leat dievaslaččat devdojuvvon.
- Doarjja galgá merkejuvvot dan dihto prošektii ja ii sáhte geavahit masage earái
- Dáiddafoandda galgá álohii namahuvvot proševtta ruhtadangáldun, omd. plakáhtain, prográmmas, buvttadusain ja neahttasiidduin gos proševtta ovdastuvvo jna.
- Ohccit geat devdet gáibádusa leat Sámedikki jienastuslogus riikkain gos sii ássat sáhttet ohcat.

#### 6. Dáiddafoandda hálddašepmi

Foandda ruđaid hálddašit mearrádusaid mielde maid Sámi Dáiddárráđi lea dohkkehan. DF rehketoallu lea oassin dego proševtta rehketoallu SDRa dábálaš rehketoalus. Áššemeannudeaddji čállá jahkedieđáhusa mii sáddejuvvon Sámi Dáiddárráđi stivrii.

Jahkedieđáhus galgá čuovvut raporttaid maid Sámi Dáiddárráđi sádde Sámediggái, daid áigemeardi mielde mat leat mearriduvvon Ovttasbargošiehtadusa.

#### 7. Dáiddafoandda lahtuid organiseren

- Lávdegottis leat golbma lahtu ja golbma sadjásaš lahtu.
- Lávdegotti lahtu ja sadjásaš lahtu válljejuvvot SDR miellahttoserviin.
- Lávdegoddi válljejuvvon guovtti jahkái. Lávdegoddi lonohallá nu ahte go guokte jagi leat vássán, de válljejuvvot lahtu dain serviin main ii leamaš árrasdoaimma manjmuš guokte jagi. Árras ja persovnnalaš sadjásaš válljejuvvon seamma searvvis.
- Foandalahtu ja sadjásaš lahtu eai sáhte ieža ohcat doarjaga foanddas dan áigodagas masa leat válljejuvvon.
- Dáiddafoanddas lea mearridanváldi go golbma lahtu dahje guokte lahtu ja sadjásaš lahtu leat das.

## 8. **Dáiddafoandda čoahkkimat**

SDR čállingoddi ráhkkanahttá áššiid mat galget meannuduvvot Dáiddafoandda čoahkkimiin ja čađaha Dáiddafoandda mearrádusaid.

Bargu galgá čađahuvvot hálddašanlága áššemeannudanmearrádusaid mielde, masa gullet bealálašvuohta, jávohisbággu ja oaivvadangeatnegasvuohta.

Beavdegirjjis galgá oidnot:

- a) goas ja gos čoahkkimat leat lágiduvvon
- b) geat čoahkkimiin ledje mielde
- c) bealálašvuođa
- d) makkár mearrádusat lea giedahallojuvvon
- e) mii meannudeami boadus lea
- f) mii muđuid lea giedahallon

SDR áššemeannudeaddji čállá beavdegirjjid čoahkkimiin.

Mearriduvvon vuoduštus addojuvvo ohcciide geaidda eai juolluduvvo stipeanddat.

## 9. **Ovttasbargoprošeavtta ja AD HOC raportereren**

- Ferte raporteret mearriduvvon skovvá.
- Galgá čállit raportta mas čilge prošeavtta ja mas árvoštallá bohtosiid prošeavtta ulbmiliid ektui, gč. ohcamuša. Golut galget čuovvut gollomerošteami spesifiserema nu ahte čielgasit oaidná masa doarjja lea geavahuvvon.
- Sámi Dáiddárráđi čállingoddi dárkkista raporttaid dábalaš govttolašvuođain ja árvoštallá leatgo stipeandarudat geavahuvvon juolludusa eavttuid mielde. Čállingotti árvoštallan čađahuvvo dan vuodul maid stipeandaohcci ieš lea almmuhan.
- Dáiddafoanda ja Riikarevišuvdna sáhttet dárkkistit leago Dáiddafoandda juolludeapmi geavahuvvon eavttuid mielde, geahča Stuoradikki juolludannjuolggadusaid § 10.
- Jus ii čállo raporta, de ferte juolluduvvon ruđa máksit ruovttoluotta. Dáiddafoandda juolludusaid oažžut geat eai sádde raportta, massá vuoigatvuođa oažžut doarjaga Dáiddafoanddas dassái go ruđat lea mákson ruovttoluotta.
- Ohccit geat eai leat raportereren ovddit doarjagiid ovddas eai juolluduvvo doarjagiid ovdal go lea raportereren ovddeš doarjagiid ovddas dahje lea máksán ruovttoluotta. Dá ii guoská ohcciide geaidda lea juolluduvvon doarjja ovttasbargoprošeavttaide ja geat ohcet Ad hoc ruđa ovdal go 2-jagi raportereren áigemearri ovttasbargoprošeavttaide lea loahpahuvvon.
- Jus prošeakta ii čađahuvvo áigemeari siskkobealde, mannet ruđat ruovttoluotta Dáiddafondii.
- Jus áigu manjit čađaheami áigemeari, de ferte ohcat ovdal čađahanáigemeari. Dákkár ohcan sáddejuvvo Sámi Dáiddárráđi čállingodda guhte giedahallá dan.
- Rievdaduvvon ovttasbargoprošeavttaid ruhtageavaheapmi ferte ovddalgihtii leat dohkkehuvvon Dáiddafoanddas. Rievdadeamit AD hoc ruđaid ektui giedahallá čállingoddi.

## 10. **Váidinvejolašvuohta**

- Váidináigemearri lea 3 vahku dan rájes go ohcci oažžu dieđu mearrádusa birra, gč. hálddašanlága § 29.
- Ohccit geaid ohcan hilgojuvvo, sáhttet váidit hilgunmearrádusa hálddašanlága § 2, goalmmát lađđasa ja hálddašanlága kap VI vuodul.
- Ii sáhte guoddalit fágalaš árvoštallama man vuodul lávdegoddi lea dahkan mearrádusa. Váidinvuoigatvuohta lea ráddjejuvvon dasa mii guoská áššemeannudeapmái ja riektegeavaheapmái.
- Dáiddafoanda meannuda váidaga ja sáhtta rievdadit mearrádusastis. Jus dáiddafoanda doalaha mearrádusastis, de sáhtta mearrádusa váidit Sámi Dáiddárráđi stivrii.